

2022ko MARTXOAREN 8a
ADIERAZPEN INSTITUZIONALA

Berdintasunaren aldeko konpromisoa indartzea

Urtero bezala, martxoaren 8an, emakumeei historikoki usurpatu zaizkien eskubideak lortzeko egindako borroka anitzen esanahia gogora ekarri eta aldarrikatu nahi dugu. Borroka horiek, zalantzarik gabe, emakumeen bizitzako hainbat arlotan aurrerapen handiak lortzen lagundu dute, eta emakumeen elkarten eta mugimendu feministaren ekarpenik gabe ez ziratekeen posible izango. Norbanakoen, kolektiboen eta erakundeen arteko elkarlana da, nork bere eragin-eremutik abiatuta, indarrak batuz eta estrategiak partekatuz helburu bera izanik jomuga: emakumeen eta gizonen berdintasuna lortzea.

Esparru horretan, Eusko Legebiltzarrean Berdintasunerako 4/2005 Legearen Aldaketak eta Oñatiko emakumeen eta gizonen berdintasunerako II. Planak, berdintasunaren alde eta indarkeria matxistaren aurka udal mailan jauzi kualitatiboa egiteko arau-esparrua eta testuingurua eskaintzen digute. Horiek akuilu gisa harturik, berdintasun-politiketan orokorrean eta gobernantza mailan zehatzago, aurrera pausu sendoak eman nahi ditu Oñatiko udalak, gizarte bidezkoago eta berdinzaleago baterantz urratsak emanez.

Hori guztia emakumeen eta gizonen berdintasuna, giza eskubidea izateaz gain, demokrazian sakontzeko eta euskal gizarte kohesionatuagoa, inklusiboagoa eta sozialki eta ekonomikoki jasangarriagoa eraikitzeko behar estrategikoa dela sinetsita.



Eta gizarte gisa dugun erronka honetan, toki-erakundeok arau-esparru berriak dakarren erronka handiari ahalik eta erantzun onena emateko aukera dugu, betiere herritarrekin eta tokiko elkarte eta mugimendu feministarekin lankidetzan estuan.

Horregatik, martxoaren 8an, Oñatiko udalak konpromisoa hartu du berdintasunaren arloko politiken eta zerbitzuen diseinuan eta plangintzan aurrera egiteko, dagozkion jarraipen- eta ebaluazio-mekanismoak bultzatzeko eta indartzeko, bai eta arauak, jarraibideak eta gidalerroak egiteko ere, lege honetan eta lege hau garatzeko araudian ezarritakoa bere esku-hartze eremuetara zehazteko eta egokitzeko, eta behar diren baliabideak emateko.

Zehazki, konpromisoa hartu nahi dugu honako erronka hauetan aurrera egiteko:

- Berdintasun planak ezarritako helburu operatiboak eta ekintzak garatzeko **baliabide ekonomikoak, pertsonalak eta teknikoak** bermatzea.
- **Mainstreaming** estrategiaren bitartez, udalaren jardunean berdintasun ikuspegia era sistematikoan txertatzeko bideak finkatzea, horretarako beharrezko diren baliabide pertsonal, material, funtzional eta formatiboak eskainiz.
- **Emakumeen aurkako indarkeria matxista mota guztien biktimei arreta emateko sistema** zabaltzea, gure eskumenen esparruan, **detekzio goiztiarreko sistemen hobekuntzan** aurrera eginez, **neurri guztien erdigunean biktimen eskubideak eta haien ahalduntzea kokatuz, eta biktimen erreparazio-eskubidearen aitorpena aintzat hartuz.**
- **Ikuspegi intersektionalaren** integrazioan aurrera egitea, emakumeen eta gizonen berdintasunaren arloko esku-hartze publiko osoaren ikuspegi inspiratzaile gisa.
- **Berdintasunaren aldeko eta emakumeen ahalduntze indibidual kolektibo eta soziopolitikorako bideak** garatzen jarraitzea, mugimendu feministaren parte-hartzea bultzatuz eta herriko bestelako eragileen edo aliatuen inplikazioa bilatuz.

Martxoaren 8a dela-eta, herritar orori dei egiten diogu Oñatin antolatutako mobilizazioetan parte har dezan!



OÑATIKO UDALA • Foruen Enparantza, 1 • 20560 Oñati • tel: (34) 943 78 04 11 • faxa: 943 78 30 69 • www.oñati.eus



Egiaztapen Kode Segurua/Código Seguro de Verificación: **SIER216c5902-bd5f-4380-975f-c610f2326084**

Dokumentu elektronikoen honen paperezko kopiaren osotasuna eta sinadura egiaztatzeko, sar ezazu egiaztapen kode segurua egoitza elektronikoan:
<https://uzt.gipuzkoa.eus?De=05910>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: <https://uzt.gipuzkoa.eus?De=05910>